



2022.
GODIŠNJI IZVJEŠTAJ

Udruženje građana

NEŠTO VIŠE



Sadržaj

Uvodna riječ

O nama

Kako djelujemo

Geografsko prisustvo

Projekti u 2022.

Finansijski indikatori



Uvodna riječ



Aleksandar
Bundalo
IZVRŠNI
DIREKTOR

Nažalost u godini iza nas prerano smo izgubili Sanju Đermanović i njen odlazak je nenadoknadiv gubitak za nas, i privatno i poslovno. Njen odlazak nas je obvezao da nastavimo raditi na onome što je ona započela u našem Udrženju, da se brinemo o prirodi, promovišemo permakuturu, da se brinemo o onima koji nisu u mogućnosti brinuti sami o sebi, da se trudimo osobama sa invaliditetom omogućiti dostojanstven život i da se brinemo jedni o drugima. Sanja je otisla ali nas nije napustila, njen duh se može osjetiti u svakoj travci na našem imanju kao i u svakom osmijehu korisnika sa kojima je ona radila. U 2022. smo nastavili raditi sa mlađima, osobama sa inaktivitetom, promovisati rodnu ravnopravnost i širiti znanja o permakulturi i njenom značaju. Aktivnosti koje smo sprovodili bile su dio već postojećih projekata ali smo u 2022. započeli i nove projekte. Naš mali kolektiv je dobio nekoliko novih članova koji su se lijepo uklopili. Nastavljamo raditi sa istom strašću, da rješavamo probleme koje uočimo u lokalnim zajednicama kao i da pomažemo pojedincima koji žele napraviti promjene u svojim životima. Želim se zahvaliti svima koji su bili dio naše priče, bilo da su bili korisnici ili saradnici, a posebno se želim zahvaliti svima koji su nas podržavali i mislili na nas u ovom, za nas, teškom periodu.



DRAGI PRIJATELJI



Ko smo mi

Udruženje građana "NEŠTO VIŠE" je nevladina organizacija osnovana 1997. godine od strane grupe mlađih ljudi iskusnih u radu sa organizacijama iz sektora civilnog društva u Bosni i Hercegovini (BiH). Izdavanjem rješenja RU-88/03 od strane Ministarstva pravde Bosne i Hercegovine, Udruženje stiče status organizacije registrovane na državnom nivou. Naši programi i projekti su realizovani u preko 70 gradova u Bosni i Hercegovini.

Naša vizija

Bosansko-hercegovačko društvo koje je moralno, odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice.

Naša misija

"Nešto Više" potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoći drugima izgrade u kompetentne i odgovorne liderе koji vjerujući u sebe i druge gaje otvorenost i pripadnost svom društvu.

Naš moto

Učenje kroz rad.



Naši ciljevi

- Povezivanje i razmjena iskustava građana iz BiH sa građanima iz Evrope i svijeta;
- Saradnja sa evropskim i svjetskim udruženjima i institucijama slične programske orientacije;
- Očuvanje i razvijanje prirodnog, te kulturno-istorijskog nasleđa;
- Zaštita životne sredine, energetska efikasnost i obnovljivi izvori energije;
- Zalaganje za razvoj poljoprivrede, sa naglaskom na organsku;
- Promoviranje i prakticiranje permakulture;
- Sveobuhvatan razvoj ruralnih područja;
- Zaštita i unapređenje mentalnog zdravlja, te osnaživanje i promoviranje zdravih životnih stilova;
- Ekonomsko osnaživanje ranjivih kategorija društva: mlađih, žena, osoba sa invaliditetom, stanovnika ruralnih područja, nezaposlenih;
- Rad sa i za osobe sa invaliditetom u cilju njihove sveobuhvatne inkluzije u društvo;
- Pružanje raznih oblika pomoći ugroženim kategorijama u društvu;
- Poboljšanje socijalno ekonomskih uslova života u BiH;
- Podsticanje i razvoj preduzetništva mlađih i stanovnika ruralnih područja
- Unapređenje poslovanja preduzetnika i preuzeća;
- Razbijanje predrasuda i zatvorenih sistema vrijednosti u BiH;
- Rad sa učenicima i studentima, te poboljšavanje uslova obrazovanja i studiranja;
- Podsticanje liderstva;
- Institucionalno jačanje i razvoj samog Udruženja kroz stalnu edukaciju članova i zaposlenih, primjenu savremenih metoda u radu, angažovanje kvalitetnih vanjskih saradnika i stvaranje partnerske mreže;

Council of Europe; Youth Council of Barcelona; Whalen Family Foundation (WFF), Oakland, USA; Institute for Multi-Track Diplomacy (IMTD), Washington DC, USA; Care International; Canadian Embassy in Bosnia and Herzegovina; Open Society Fund of Bosnia and Herzegovina (SOROS); Schuler Helfen Leben (SHL); Organization for Security and Cooperation in Europe (OSCE); Embassy of Switzerland in Bosnia and Herzegovina; Mercy Corps Scotland; and Dutch Development Agency (SNV), Fostering Agricultural Markets Activity (FARMA), Federal Ministry of Education and Science, European Commission; United States Agency for International Development (USAID); Center of Civic Initiatives (CCI); Swiss Agency for Development and Cooperation (SDC); Austrian Agency for Technical Cooperation (ADA), Fund of the Spanish government for achievement of Millennium Development Goals (MDG) - Environment and Climate Change (jointly implemented by UNDP, UNV, UNEP, FAO i UNESCO), Royal Norwegian Embassy to Bosnia and Herzegovina, Embassy of the United States of America in BiH, Municipality Cazin, Municipality Berkovići and Municipality Ljubinje, The Embassy of the Kingdom of the Netherlands, MDGF Youth Employability and Retention Programme - Spanish Fund for Reaching Millennium Development Goals - UNDP, UNICEF, UNFPA, IOM and UNV; United States Department of State (Bureau of Education and Cultural Affairs, UNDP Reinforcement of Local Democracy III (LOD III), St Catherine University, Municipality of Livno, Municipality of Teslić, European Union (EU), The Embassy of the Kingdom of the Netherlands, European Fund for Balkans, Municipality of Banovići, ILO/MOR, AFD, RYKO, French Embassy.



Udruženje građana „Nešto više“ ima tri službene kancelarije: Centralnu Sarajevo, Područnu kancelariju Mostar i Područnu kancelariju Istočno Novo Sarajevo.

Osoblje Udruženja radi i živi u četiri grada Bosne i Hercegovine: Sarajevu, Banja Luci, Mostaru i Istočnom Sarajevu. Mostarski ured Udruženja nalazi se na imanju Udruženja u Humilišanima, gdje su stvoreni svi potrebni uslovi za rad osoblja - renovirana je jedna zgrada na imanju tako da se u njoj nalaze kancelarije, učionice i konferencijski prostor.

U cilju osiguranja održivosti, Udruženje je osnovalo vlastito socijalno preduzeće EkoDizajn d.o.o. koja se bavi proizvodnjom organskih sadnica, uređenjem dvorišta i voćnjaka po principima permakulture i organizacijom događaja, obuka.

UG Nešto Više djeluje širom Bosne i Hercegovine, tako da smo u posljednje 24 godine realizovali projekte u preko 75 različitih lokalnih zajednica u BiH i organizovali preko stotinu volonterskih akcija u isto toliko zajednica.


KANCELARIJE

Sarajevo
Dobrinja, Trg Sabora bosanskog
36, 71000 Sarajevo, BiH

Mostar
Humilišani bb,
88000 Mostar, BiH

Istočno Novo Sarajevo
Hilandarska 16,

Lokacije naših projekata i volonterskih akcija



EU4ALL

(2022.-2024.)

Opšti cilj projekta je „Promocija vrijednosti Evropske unije u Republici Srpskoj i Brčko Distriktu kroz multisektorsku saradnju“ kako bi, između ostalog, mladi stekli nova znanja o Evropskoj uniji, njenom razvoju, institucijama, nadležnosti, pravnom sistemu, politikama i aktivnostima koje sprovodi EU, te o teritoriji i njenom stanovništvu. Ovaj projekat UG „NEŠTO VIŠE“ realizuje sa PRONI, vodećim partnerom. Projekat se realizuje u bliskoj saradnji sa DEU. Ovim projektom će se postići sljedeći konkretni ciljevi:

1. Informisati i obučiti predstavnike NVO, biznisa i institucija o radu Evropske unije u BiH i ponuđenim mogućnostima.
2. Podići svijest ciljne grupe o integraciji Bosne i Hercegovine u Evropsku uniju.
3. Izgraditi dijalog između svih relevantnih aktera, u Republici Srpskoj i Brčko Distriktu, kako bi se promovirali procesi evropskih integracija BiH i poboljšala komunikacija između svih relevantnih aktera o mogućnostima i sigurnosti koje nudi Evropska unija za njihovu budućnost.
4. Usvojiti i primijeniti univerzalne vrijednosti koje promovira Evropska unija kroz obuke/radionice i izgraditi interne kapacitete za učešće, partnerstvo i vođenje EU projekata.

Projekat finansira Evropska unija

Vrijednost projekta: 292.500 KM



Naši projekti

Eco HUB Mostar - Resource Centre for Environmental Issues

(2020.-2022.)

Projekat Eko HUB Mostar realizuje se u četiri opštine/grada i to: Mostar, Trebinje, Konjic i Jablanica. Projekat se realizuje u okviru većeg projekta „Misli o prirodi!“.

Cilj Eko HUB-a je dati doprinos očuvanju i regeneraciji životne sredine u Hercegovini kroz uspostavljanje i rad Eko HUB Mostar i davanjem podrške lokalnim zajednicama u očuvanju životne sredine. Uspostavljanjem Eko HUB Mostar stvaraju se neophodni preduslovi za podršku lokalnim zajednicima u razvoju i realizaciji projekata i akcija iz oblasti zaštite životne sredine, a stavljanjem na raspolaganje permakulturalnog imanja Nešto Više i mjesto na kome se mogu vidjeti praktična rješenja iz ove oblasti, kao što su solarni paneli, prečišćavanje vode, skupljanje kišnice, i sl.

„Misli o prirodi!“ trogodišnji je projekat kojeg implementira Centar za promociju civilnog društva, a finansijski podržava Švedska u iznosu od 3 miliona konvertibilnih maraka.


Kompleksnost pitanja okoliša zahtijeva kontinuiranu prisutnost na loknom nivou, ekspertizu u oblasti zaštite okoliša, umreženost sa lokalnim akterima, mogućnost komunikacije sa mladima, školama i medijima, te kapacitete za pružanje edukativne i stručne podrške drugim organizacijama i školama a što će se omogućiti kroz rad Eko Huba.

Projekat finansira CPCD, Government of Sweden

Vrijednost projekta: 73.700 KM



Godišnji izvještaj 2022



Local Structures for WB6 Lab - RISE


(2020.-2022.)

Regionalni inkubator za socijalne preduzetnike je projekt za motivisane, predane mlade ljudi, koji su spremni da uče i da donose promjene za dobrobit zapadnog Balkana. Cilj je podržati socijalno preduzetničke ideje koje će region učiniti boljim mjestom. RISE Journey posebno je prilagođen program u kojem je učešće besplatno i koji će pomoći mladim da naučite, rastu i naprave promjene u svojoj okolini. Usredstveni smo na saradnju, razmjenu ideja i vršnjačko učenje kako bismo postigli bolje rezultate. Podržavamo timove iz BiH koji razvijaju ideju ili inovativno rješenje za novi i bolji pristup obrazovanju, osnaživanju žena, kulturi, ruralnom razvoju, zdravlju ili zaposlenosti u svojoj zajednici. Vještine, znanje i iskustvo socijalnog preduzetništva pomoći će u rješavanju socijalnih i životnih pitanja zaštite životne sredine. RISE Putovanje daje podršku kroz grantove za mobilnost i razvoj poslovanja u drugoj fazi Putovanja. Mi predstavljamo grupu od 11 partnera iz zapadnog Balkana, Njemačke i Francuske radeći zajedno na razvoju socijalnog preduzetništva kako bi imali bolja društva.

Naše Udrženje Nešto Više je jedna od 6 organizacija sa zapadnog Balkana koje je izabrano kao „Lokalna Struktura (LS)“ od strane WESTERN BALKANS – RYCO, GROUPE SOS Pulse, the South East European Youth Network (SEEYN), the Institut Français and the Franco-German Youth Office (FGYO/OFAJ)

Projekat finansira WESTERN BALKANS – RYCO, GROUPE SOS Pulse, SEEYN, the Institut Français, FGYO/OFAJ

Vrijednost projekta: 80.000 KM



Važni i Snažni

(2022.)

Projekat namijenjen jačanju kapaciteta organizacijama osoba sa invaliditetom u FBiH. U okviru projekta napravljene detaljne analize „Analiza kapaciteta organizacija osoba sa invaliditetom u FBiH“ i „Analiza resursnih potreba i mogućnosti razvoja organizacija osoba sa invaliditetom u FBiH. Na osnovu analiza su napravljene preporuke u cilju jačanja organizacija OSI. Drugi cilje projekta je izrada prototipa raznih pomagala za osobe sa invaliditetom kao pokazatelj da se inače skupa pomagala mogu napraviti mnogo jeftinije od tržišnih cijena, zatim održavanje inkluzivnih radionica, jačanje vidljivosti organizacija osoba sa invaliditetom na internetu i edukacije o korištenju alata koji to mogu omogućiti.

Projekat finansira Federalno ministarstvo rada i socijalne politike.

Vrijednost projekta: 15.690 KM



Naši projekti

Godišnji izvještaj 2022


BEAR, omladinska akademija

(2022.)

Osnovni cilj projekta je jačanje ekonomskih veza između dvije lokalne zajednice uz osnaživanje mladih za razvoj poduzetničkog duha. Partneri na ovom projektu su Općina Teslić i RAŽ Žepče. Projekat će na BEAR poduzetničkoj akademiji obučiti 40 mladih ljudi iz dvije općine Teslić i Žepče. Mladi ljudi će biti obučeni i opremljeni vještinama koje će im omogućiti da vode vlastiti mali biznis. Osim stičenih znanja i vještina, mladi će biti mentorirani u ovom procesu. Na kraju projekta biće održana konferencija na kojoj će mladi imati priliku da predstave šta su radili.

Projekat finansira US Embassy u BiH

Vrijednost projekta: 39.860 KM



Naši projekti


Moj posao - Ekonomске mogućnosti za osobe s invaliditetom

(2020.-2022.)

Projekat se fokusira na socijalnu inkluziju i poboljšanje statusa osoba sa mentalnim poteškoćama u Bosni i Hercegovini, posebno s ciljem jačanja njihovih ekonomskih mogućnosti i mogućnosti ostvarivanja prava kao građana. U Bosni i Hercegovini, osobe sa mentalnim invaliditetom često su meta diskriminacije i predrasuda koje negativno utiču na njihov položaj na tržištu rada. Ovim pojedincima je teško naći i zadržati zaposlenje, a uz nedovoljnu podršku državnih organa skloniji su siromaštvo i socijalnoj isključenosti. Projekat ima za cilj da pomogne osobama sa mentalnim poteškoćama kroz implementaciju integrisanog paketa aktivnosti koji uključuje: proširenje pristupa zapošljavanju uz podršku, aktivnosti usmjerene na ostvarivanje prihoda i program ubrzanja za preduzeća koja zapošljavaju osobe sa invaliditetom, posredovanje u stručnom osposobljavanju i stažiranju, radionice za biznis ili zagovaračke napore pri provođenju promjena na strateškom i političkom nivou s ciljem upoznavanja javnosti sa navedenim problemima.

Projekat finansira PIN, Česká rozvojová agentura

Vrijednost projekta: 160.000 KM



Naši projekti

Razvoj programa obuke za članove opštinskih/gradskih komisija za ravnopravnost polova u BiH

(2021.-2023.)

Opšti cilj projekta je jačanje uloge i položaja žena u političkim, socijalnim i ekonomskim procesima i podrška lokalnim partnerstvima u uspostavljanju efikasnih mehanizama za rodnu ravnopravnost u lokalnim zajednicama u BiH. Ciljna grupa su članovi/članice komisija za ravnopravnost polova u 20 JLS koji će proći kroz tailor-made program obuke u cilju osnaživanja njihovih kapaciteta za postizanje većeg stepena rodne ravnopravnosti na lokalnom nivou. Zajednice u kojima se projekt implementira su: Bosanska Krupa, Busovača, Derventa, Goražde, Iličić, Kalesija, Kalinovik, Jajce, Laktaši, Mostar Nevesinje, Kostajnica, Novo Sarajevo, Prijedor, Prnjavor, Šamac, Tešanj, Teslić, Tuzla i Vlasenica.

Projekat finansira EIDHR

Vrijednost projekta: 403.250 KM



Godišnji izvještaj 2022



Naši projekti

Program zadržavanja mladih u BiH - „Opća mobilizacija“

(2021.-2024.)

Projekt podržava saradnju između sektora koji do sada nisu zajednički sudjelovali u rješavanju problema odlaska mladih iz BiH, odnosno omladinskih organizacija i poduzetnika, odnosno poslodavaca. Opći cilj projekta je ojačati kapacitet omladinskih OCD za učešće u reformi obrazovanja i zapošljavanja kako bi zadržali mlade u BiH. Specifični ciljevi projekta su: Uspostaviti međusektorsku mrežu stručnjaka za mlade i preduzetnika za zagovaranje u zapošljavanju i obrazovanju; Ojačati kapacitete i kompetencije mladih OCD u cilju povećanja uticaja zagovaranja na unapređenje politika, pravila i strategija u oblasti zapošljavanja i obrazovanja; Poboljšati pravni i politički okvir za mlade kroz saradnju između relevantnih udruženja poslodavaca i relevantnih institucija na svim nivoima; Povećana svijest o ulozi i značaju gubitka omladinske populacije u BiH.

Projekat finansira Evropske unije

Vrijednost projekta: 1.087.600 KM



Projekat MoSTAR - Prostori koji pokreću i obnavljaju

(2021.-2024.)

Projekt ima za cilj unaprijediti sadržaje i korištenje javnih prostora u Mostaru kroz aktivno uključivanje građana/ki i potporu njihovim inicijativama koje doprinose kvaliteti građanskog, kulturnog i gospodarskog života u Gradu Mostaru. Projektom se namjerava podržati građane/ke i lokalne vlasti da učinkovito koriste nove vještine, alate i mehanizme za rješavanje prioriteta na uključiv, rodno osjetljiv, participativan i sustavan način. Projekt će izravno dodijeliti sredstva za financiranje infrastrukturnih projekata i intervencija u javnom prostoru, kao i inicijativa koje će voditi i koje su dizajnirane od strane građana/ki, a koje se odnose na zajednički javni prostor i zajedničke aktivnosti.

Nositelj projekta je People in Need (PIN), sa partnerima: Everyday Peace Indicators (EPI), Omladinski Kulturni centar Abrašević (OKC Abrašević), Agencija lokalne demokracije Mostar (LDA Mostar) i Nešto Više (NV).

Projekat finansira Government of the United Kingdom

Vrijednost projekta: 3.000.000 GBP



British Embassy
Sarajevo



UKaid
from the British people



Naši projekti

Godišnji izvještaj 2022

Organizovanje volonterskog anganžmana za volontere iz EU

(2021.-2022.)

Opšti cilj projekta je uspostaviti kontinuiranu saradnju sa partnerskim organizacijama u okviru European Solidarity Corps-a. Korisnici/ciljna grupa su mlade osobe, zainteresovane za rad i učenje na NV permakulturnoj farmi u Mostaru. Volonteri – Pierre Noel, Juliette Airolde i Adele Bertaux - veći dio vremena provode na radovima koji su vezani za uzgoj biljaka na farmi, njihovoj pripremi, sadnji, održavanju i zaštiti te proučavanju njihovog rasta. Pored toga su uključeni i u druge aktivnosti i projekte koje NV realizuje.

Neke od njihovih aktivnosti su i podučavanje mlađih iz lokalnih škola o permakulturi, recikliranju, cirkularnoj ekonomiji i slično.

Parnerske odnosno šaljuće organizacije su: SCI (Service Civil International Branche Française) i ADICE (Association pour le Développement des Initiatives Citoyennes et Européennes) iz Francuske.

Projekat finansira Erasmus+

Vrijednost projekta: 10.160 EUR



Pokupi smeće za više sreće

(2022.-2023.)

Cilj projekta je doprinijeti očuvanju prirodnih područja Mostarske regije i, šire, borbi protiv zagađivanja okoliša. Želimo osvijestiti mlade ljudе o utjecaju prekomjerne potrošnje proizvoda za jednokratnu upotrebu i važnosti nultog otpada. Nudeći im alternative, želimo posebno osvijestiti mlade i potaknuti ih da usvoje nove navike. Kroz pokazna predavanja o reciklaži različitih vidova otpadnog materijala iz svakodnevnog života, poput plastičnih boca, stakla, tkanine, kesa i slično praktično želimo pojasniti procese reciklaže i prednosti koje se nude takvim načinom zbrinjavanja otpada.

Projekat finansira Francuska ambasada u BiH

Vrijednost projekta: 3.900KM



Naši projekti


E-Scholars - Saradnja sa College of St. Benedict i St. John's University

(2021.-2022.)

Program E-Scholars osnovan je 2005. godine i namijenjen je studentima s poduzetničkim načinom razmišljanja. Studenti s poduzetničkim načinom razmišljanja uvijek traže nove prilike i vođeni su da stvari ostvare. Nakon što budu izabrani u program, od studenata se očekuje da pokušaju pokrenuti poduhvat prije nego što diplomiraju. Nastavni plan i program E-Scholars se sastoji od tri kursa o preduzetništvu sa 4 kredita koji se pohađaju u periodu od 2 godine. Studenti u programu će iskusiti poslovna putovanja u zemlji i inostranstvu. Poslovna putovanja E-Scholar će zahtijevati od studenata da organizuju i izvrše poslovne posjete, informativne intervjuje i obilaske organizacija. Naša trenutna grupa E-Scholars-a (poznata kao E-17 jer su naša 17. grupa) je na prvoj godini i trenutno pohađa drugi od tri kursa. U okviru kursa, u oktobru 2021. su putovali u Silicijumsku dolinu i San Francisco, a zatim kod nas u Bosnu i Hercegovinu u decembru 2021. i januaru 2022.

Projekat finansira CSBSJU

Vrijednost projekta: 60.340 KM



Godišnji izvještaj 2022



Partnerstvom do Posla

(2022.-2023.)

Cilj projekta je kreirati funkcionalan LPZ (Lokalno partnerstvo za zapošljavanje) u općini Banovići između lokalne uprave, službe za zapošljavanje, kompanija, obrazovnih institucija i nevladinih organizacija. Cilj LPZa je zaposliti 35 osoba nakon procesa stručnog usavršavanja, prekvalifikacija i obuka za pokretanje sopstvenih biznisa za osobe koje su nezaposlene i koje pripadaju teško zapošljivim kategorijama stanovništva. Projekat se realizuje u okviru „Podrška Evropske unije lokalnim partnerstvima za zapošljavanje – Faza II“ (LEP II) koji finansira Evropska unija u iznosu od 4 miliona Eura a realizuje putem Međunarodne organizacije rada (MOR/ILO) u BiH.

Projekat finansira Evropska unija i Općina Banovići

Vrijednost projekta: 332.000 KM



Naši projekti

RISE faza II - Local Structures for WB6 Lab

(2022.-2025.)

Regionalni inkubator za socijalne preduzetnike RISE je projekt za motivisane, predane mlade ljudi, koji su spremni da uče i da donose promjene za dobrobit Zapadnog Balkana. Cilj je podržati socijalno preduzetničke ideje koje će region učiniti boljim mjestom.

RISE Journey posebno je prilagođen program u kojem je učešće besplatno i koji će pomoći mladim da nauče, rastu i naprave promjene u svojoj okolini. Usredstavljeni na saradnju, razmjenu ideja i vršnjačko učenje.

Podržavamo 6 timova iz BiH koji razvijaju ideju ili inovativno rješenje za novi i bolji pristup obrazovanju, osnaživanju žena, kulturi, ruralnom razvoju, zdravlju ili zaposlenosti u svojoj zajednici. RISE daje podršku kroz grantove za mobilnost i razvoj poslovanja.

RISE implementira: Balkan Green Foundation, ARNO, NEŠTO VIŠE, Smart Kolektiv, IPC Tehnopolis and Yunus Social Business Balkans.

Konzorcij projekta čine: PULSE Group, RYCO, SEEYN and OFAJ DFJW

Projekat finasira AFD - Agence Française de Développement, Europska unija i RYCO..

Vrijednost projekta: 150.000 KM




This project is supported by the Agence Française de Développement, the European Union and Regional Youth Cooperation Office.



mingling

Godišnji izvještaj 2022



**PRIHODI
&
TROŠKOVI
u
posljednjih
11 godina**



NEŠTO VIŠE

www.nestovise.org

Sarajevo

Dobrinja, Trg Sabora bosanskog
36, 71000 Sarajevo, BiH

Mostar

Humilišani bb,
88000 Mostar, BiH

Istočno Novo Sarajevo

Hilandarska 16,